

Полный сборник канонов и молитв святителю Николаю,
архиепископу Мирликийскому

Канон из службы 6/19 декабря

Г л а с 2

Начало канона см. 01 - Начало канонов.doc

Песнь 1

Ирмос: Во глубинѣ постла иногда фараонитское всевоинство преоруженная сила, воплощенное же Слово всезлюбный грех потребило есть: препрославленный Господь славно бо прославися.

Припев: Святителю отче Николае, моли Бога о нас¹.

Венценовец престолу Христову, премудре Николае, предстои со ангельскими воинствы, просвещение ми даруй, озаряющее души моея омрачение, яко да восхваляю, радуясь, твою, всеблаженне, память. *(Дважды.)*

Слава: Прославляяй вся Господь Того славыящая, ты верным прибежище даде, напастей избавляюща притекающия к твоему крову, Николае, и призывающия ты верою и любовью, преславне.

И ныне, *Богородичен:* Сравнися желание ми вложив змий вселукавый Содетелю, яко пленника восхити. Тобою же, Всечистая, возван бых, обожився истиннейше: Ты бо, о Богомати, мене обожившаго родила еси.

Катавасия

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 3

Ирмос: Процвела есть пустыня, яко крин, Господи, языческая неплодящая Церковь пришествием Твоим, в нейже утвердися мое сердце.

Николае блаженне, Владыки искренний ученик ты быв, спасаеши к тебе притекающия от лютых бед и смерти горькия. *(Дважды.)*

Слава: Очисти рабы Твоя, грехов оставление, яко благ, даруя, Николая, Твоего угодника, яже к Тебе ходатайствы, Многомилостиве.

И ныне, *Богородичен:* Утоли смущение души моея, Пречистая, и жизнь окорми, Всесвятая, Бога рождающая, в Немже утвердися сердце мое.

Моли Бога о нас, святителю отче Николае, яко мы усердно к тебе

¹ Этот припев повторяется перед первыми двумя (или тремя, если есть третий) тропарями канонов святителю Николаю, в каждой песне.

прибегаем, скорому помощнику и молитвеннику о душах наших.

Господи, помилуй. (Трижды.)

(Если по 6-й песни читается акафист, то перед седальными читаем кондак и икос.)

Седален, глас 8

Восшед на высоту добродетелей и Божественными отгуду, отче, озарився сиянии чудес, пресветел воистинну явился еси миру пастьрь, нам в напастех сый предстатель непобедимь; темже, преславно врага победив, лжу отгнал еси и человеки спасл еси от смерти, Николае, моли Христа Бога грехов оставление даровати чтущим любовьию святую память твою.

Слава, и ныне, Богородичен

Яко Деву и едину в женах, Тя, без семене рождшую Бога плотию, вси ублажаем, роди человечести: огонь бо вселися в Тя Божества, и яко младенца доиши Зиждителя и Господа. Тем, ангельский и человеческий род, достойно славим пресвятое Рождество Твое и согласно вопием Ти: моли Христа Бога согрешений оставление даровати поклоняющимся верою пресвятому Рождеству Твоему.

Песнь 4

Ирмос: Пришел еси от Девы не ходатай, ни Ангел, но Сам, Господи, воплощся, и спасл еси всего мя, человека. Тем зову Ти: слава силе Твоей, Господи.

Приблизився чисте зарям духовным, светоносец был еси, мира просвещая концы, всем предстательствуя и вся спасая верою, к Тебе притекающая.

Избавляя от смерти, яко явился еси पहले, Николае, юноши, преподобне. Тако и ныне мя спаси от всякаго обстояния, и напастей, и бед, всеблаженне.

Слава: Облистал еси добродетелей сияньми, всеблаженне, подражатель презряднейший Твоего Владыки быв, спасаеши же, призываемь, благоговением и любовью тя славыция.

И ныне, Богородичен: Найде на Тя Владыка твари воплощаемь, и спасая, яко благоутробен, всего мя человека: темже, вернии, Богородицу Тя славим.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 5

Ирмос: Просвещение во тьме лежащих, спасение отчаянных, Христе, Спасе мой, к Тебе утренюю, Царю мира, просвети мя сиянием Твоим, иного бо, разве Тебе, Бога не знаю.

Боголепным житием, треблаженне, просвещаемь, осужденныя неправедным изречением умерети, представ, избавил еси, Владыце Христу зовущия: иного бо разве Тебе, Бога не знаем. (Дважды.)

Слава: На небесех присносущную славу ныне зря, и неизглаголанная и Божественная зарь светлейшими наслаждаяся сиянии, покрый мя предстательством твоим, преподобне, угодниче Христов всечестне.

И ныне, Богородичен: Да Твой възыщеш образ, погребенный страстьми,

Спа́се, небесных утайвса сил, вопло́щся из Де́вы, яви́лся еси́ Тебе́ зову́щим: ино́го, ра́зве Тебе́, Бо́га не зна́ем.

Моли́ Бо́га о нас, святите́лю о́тче Нико́лае, я́ко мы усер́дно к тебе́ прибега́ем, ско́рому помо́щнику и моли́твеннику о душа́х на́ших.

Песнь 6

Ирмос: В бе́здне грехо́вней валя́ясь, неизсле́дную милосе́рдия Твоего́ призыва́ю бе́здну: от тли, Бо́же, мя возведи́.

Иже побе́ды, Нико́лае, вене́ц на твоём версе́ досто́йно положи́ся, я́ко победи́тель у́бо изря́днейший, тя призыва́ющая спаси́. *(Дважды.)*

Слава: Умерщвлена́ мя, блаже́нне, прегреше́нми и страсте́й трево́лне́нми погружа́ема, яви́вся, спаси́ ко приста́ницу Боже́ственныя во́ли.

И ны́не, *Богородичен:* На Тя наде́жды возложи́х, Ма́ти Присноде́во, спасе́ния моего́ и Тя предста́тельницу полага́ю жи́зни, твёрду же и непоколеби́му.

Моли́ Бо́га о нас, святите́лю о́тче Нико́лае, я́ко мы усер́дно к тебе́ прибега́ем, ско́рому помо́щнику и моли́твеннику о душа́х на́ших.

Го́споди, поми́луй. *(Трижды.)* Слава, и ны́не.

Кондак, глас 3

В Ми́рех, свя́те, священноде́йствитель показа́лся еси́, Христо́во бо, преподо́бне, Ева́нгелие испо́лнив, положи́л еси́ ду́шу твою́ о лю́дех твои́х и спасл еси́ непови́нныя от сме́рти. Сего́ ра́ди освяти́лся еси́, я́ко вели́кий тайнник Бо́жия благода́ти.

Икос

Воспои́м ны́не святите́ля пёсньми, ми́рским лю́дем па́стыря и учи́теля, да моли́твами его́ просвети́мся: се бо яви́ся чист весь, нетле́нен ду́хом, Христу́ принося́ же́ртву непоро́чну, чи́сту, Бо́гу благоприя́тну, я́ко святите́ль, очище́н и душе́ю и те́лом, те́мже сый и́стинно Це́ркве предста́тель и поборо́ник сея́, я́ко вели́кий тайнник Бо́жия благода́ти.

(Если читается акафист, то кондак и икос читаются по 3-й песни, перед седальнами.)

Песнь 7

Ирмос: Обра́зу злато́му, на по́ле Де́йре служи́му, три́е Твои́ о́троцы небрего́ша безбо́жнаго веления́, посреде́ же огня́ вве́ржени, ороша́еми, по́яху: благослове́н еси́, Бо́же о́тец на́ших.

Остро́му искуше́нию впадо́х, лю́те пострека́емь, и ко врато́м а́да прибли́жихся, скорбе́ми поража́емь, спаси́ мя моли́твами твои́ми, блаже́нне, и возста́ви, пою́ща: благослове́н еси́, Бо́же о́тец на́ших. *(Дважды.)*

Слава: Незаходи́мага све́та не веще́ственными луча́ми облиста́емь, су́щия во тьме скорбе́й озло́бленныя исхити́ и к просвеще́нию весе́лия наста́ви, пою́щия: благослове́н еси́, Бо́же о́тец на́ших.

И ны́не, *Богородичен:* Моли́ Христа́, Сы́на Твоего́ и Бо́га, Де́во

Богородительнице, проданная лютыми прегрешеньми и лэстьми змииными кровию Его честною избавитися, поющим: благословен еси, Боже отец наших.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 8

Ирмос: В пещь огненную ко отроком еврейским снишедшаго и пламень в росу преложшаго Бога пойте, дела, яко Господа, и превозносите во вся веки.

Яко благ и сострадательен во глубине напастей люте содержимыя свободи, блаженне Николае, от содержащих лютых, разрешение подай молитвами твоими яже ко Спасу Христу, священнотайниче. *(Дважды.)*

Слава: Тайноводждь сущих паче ума, святых служитель и небесных сый, богомудре, архиерей же верен, прегрешений оставления проси от Спаса нашего, священноявленне.

И ныне, *Богородичен:* Изнемогает мой ныне ум, во глубину впад бесчестия, яко отсюду различными объят есмь злыми; но Ты, Дево, исцели, безстрастия светом одеваючи.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 9

Ирмос: Безначальна Родителя Сын, Бог и Господь, воплощся от Девы, нам явися, омраченная просветити, собрати расточенная. Тем всепетую Богородицу величаем.

Свещами благодати, богомудре, просвещаемь, и светильник благочестия яже был еси, сущия в напастех спасаеши, и сущия во глубине морстей избавляеши, и питаеши алчущия преславно, всеблаженне. *(Дважды.)*

Слава: Иже в рай сладости ныне водворяясь и неизреченную славу ясно зря, от небесных круг певцы твоя назираеши, от страстей избавляя, богоносе всеблаженне.

И ныне, *Богородичен:* Премудрость, и Силу, и Слово ипостасное Отчее, Богомати чистая, родила еси, от Твоих пречистых кровей свой храм приемшую и Сему по соединению соединившую нераздельно.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Окончание канона см. 14 - Окончание канонов.doc